

Član 13.**(Prestanak važenja ranije odluke)**

Stupanjem na snagu ove Odluke prestaje da važi Odluka o učešću u finansiranju rada parlamentarnih grupa u Općinskom vijeću Općine Bihać („Službeni glasnik Općine Bihać“, broj 16 /09).

Član 14.**(Stupanje na snagu)**

Ova Odluka stupa na snagu osmog dana od dana objavljivanja u Službenom glasniku Grada Bihaća.

Gradsko vijeće
Broj: GV-02-3638/15
29.05.2015. godine
B i h a ć

Predsjedavajući
Gradskog vijeća
Roman dr. Jurić, s.r.

92.

Na osnovu člana 12. stav 3. tačka nj) i člana 21. stav 1 tačka č) Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“ broj 8/11) i člana 8. stav 1 tačka 6 Statutarne odluke o organizaciji Grada Bihaća u skladu sa Zakonom o Gradu Bihać („Službeni glasnik Grada Bihaća“ broj 1/14), Gradsko vijeće Bihać, na 9. sjednici održanoj dana 29.05.2015. godine, donijelo je

O D L U K U**o gradskim administrativnim taksama****DIO PRVI- OPĆE ODREDBE****Član 1.****(predmet)**

Ovom Odlukom uređuje se plaćanje gradskih administrativnih taksa (u daljem tekstu: takse) za spise i radnje u upravnim stvarima, kao i za druge predmete i radnje kod gradskog organa uprave Grada Bihaća i drugih pravnih lica kojima su odlukom Gradskog vijeća povjerena javna ovlaštenja da samostalno rješavaju u upravnim

stvarima o određenim pravima i obavezama.

Član 2.**(tarifa)**

Spisi i radnje za koje se plaća taksa, kao i visina takse, utvrđuju se Tarifom gradskih administrativnih taksa (u daljem tekstu: Tarifa), koja predstavlja Aneks ove Odluke i njen je sastavni dio.

Član 3.**(obaveza propisivanja takse)**

Taksa se ne može naplatiti ako Tarifom nije propisana.

Član 4.**(pripadnost prihoda od taksa)**

Prihod ostvaren naplatom gradskih administrativnih taksa prihod je budžeta Grada Bihaća.

DIO DRUGI- TAKSENI OBVEZNIK I TAKSENA OBAVEZA**POGLAVLJE I-TAKSENI OBVEZNIK****Član 5.****(pojam taksenog obveznika)**

Takseni obveznik je osoba po čijem je zahtjevu pokrenut postupak, odnosno osoba za koju se obavljaju radnje za koje je, u skladu sa Tarifom, propisano plaćanje takse.

Član 6.**(solidarna obaveza)**

Ako za isti spis ili radnju postoje dva ili više taksenih obveznika, njihova je obaveza solidarna.

Član 7.**(zajednički zahtjev)**

(1) Ako više osoba podnosi zajednički zahtjev, plaća se jedna taksa.

- (2) Ako se donosi jedno rješenje po zahtjevu više osoba, taksa se plaća onoliko puta koliko ima osoba kojima se dostavlja rješenje.

Član 8.

(više primjeraka isprava)

- (1) Kada se isprava za koju se plaća taksa, na zahtjev stranke, izdaje u dva ili više primjeraka, za drugi i svaki daljnji primjerak plaća se taksa kao za prepis i ovjeru prepisa.
- (2) Taksa iz stava 1. ovog člana ne može biti veća od takse za prvi primjerak.

POGLAVLJE II- TAKSENA OBAVEZA

Član 9.

(vrijeme plaćanja takse)

Takse se plaćaju u trenutku nastanka taksene obaveze, ako ovom Odlukom ili drugim propisom nije drugačije propisano.

Član 10.

(vrijeme nastanka taksene obaveze)

Taksena obaveza nastaje:

- a) za rješenja i druge isprave- u trenutku podnošenja zahtjeva za njihovo izdavanje,
- b) za podneske- u trenutku kada se predaju,
- c) za usmeno saopćenje koje se daje na zapisnik- u trenutku kada je zapisnik sastavljen,
- d) za upravne radnje- u trenutku podnošenja zahtjeva za izvršavanje tih radnji.

Član 11.

(osnovica za utvrđivanje takse)

Ako je Tarifom propisano da se taksa plaća prema vrijednosti predmeta, kao osnovica za utvrđivanje takse uzima se vrijednost naznačena u predmetu ili ispravi, ili vrijednost utvrđena na način propisan u Tarifi, ili vrijednost utvrđena procjenom organa koji vodi postupak.

DIO TREĆI- PLAĆANJE, OSLOBADANJE, POVRAT, PRISILNA NAPLATA TAKSA, ZASTARA i NADZOR

POGLAVLJE I- PLAĆANJE TAKSA

Član 12.

(plaćanje taksa)

- (1) Gradske administrativne takse utvrđene i iskazane u Tarifi plaćaju se u gotovom novcu uplatom na jedinstveni račun trezora Grada Bihaća ili bezgotovinski putem subjekta ovlaštenog za platni promet.

Član 13.

(taksiranje podnesaka)

- (1) Podnesci i drugi spisi ne smiju biti primljeni neposredno od stranke ako su netaksirani ili nedovoljno taksirani.
- (2) Ako netaksirani ili nedovoljno taksirani podnesak stigne poštom, organ nadležan za odlučivanje po zahtjevu pozvat će taksenog obveznika opomenom da u roku od 8 dana od dana prijema opomene plati redovnu taksu i taksu za opomenu.
- (3) Nadležni organ pokrenut će postupak i po netaksiranom ili nedovoljno taksiranom podnesku iz stava 2. ovog člana, ali rješenje i drugi akt ne može biti dostavljeno stranci prije nego što plati taksu po opomeni.
- (4) Odredbe stava 2. ovog člana ne primjenjuju se na podneske i druge spise koji netaksirani ili nedovoljno taksirani stignu poštom iz inozemstva.
- (5) Ako je radnja za koju je organ morao naplatiti taksu obavljena, a taksa nije naplaćena od taksenog obveznika, taksa će se naplatiti prinudno prema odredbama o prinudnoj naplati poreza od pravnih i fizičkih lica.

Član 14.

(naznačavanje plaćanja ili oslobađanja od takse)

- (1) U rješenju ili drugoj ispravi za koju je taksa plaćena mora se naznačiti da je taksa plaćena, u kojem iznosu i po kojem tarifnom broju.

(2) U rješenju ili drugoj ispravi koja je oslobođena od plaćanja takse mora se naznačiti na osnovu kojih odredbi ove Odluke je oslobođena od plaćanja takse.

Član 15.

(postupci po službenoj dužnosti)

Spisi i radnje u postupcima koji se vode po službenoj dužnosti ne podliježu taksi.

Član 16.

(naknade iz oblasti katastra nekretnina)

Za korištenje podataka i vršenje usluga iz oblasti premjera zemljišta, katastra nekretnina i katastra komunalnih uređaja, propisane su posebne naknade, i za iste se ne mogu naplaćivati administrativne takse.

POGLAVLJE II- OSLOBADANJE OD PLAĆANJA TAKSE

Član 17.

(opća oslobađanja)

Od plaćanja gradskih administrativnih taksa oslobođeni su:

- a) organi i tijela državne, federalne i kantonalne vlasti i jedinice lokalne samouprave
- b) javne ustanove i mjesne zajednice,
- c) humanitarne organizacije za akta u obavljanju humanitarne djelatnosti,
- d) strana diplomatska i konzularna predstavništva pod uvjetom reciprociteta,
- e) socijalno ugrožena lica kojima je utvrđeno pravo na stalnu novčanu pomoć rješenjem JU Centar za socijalni rad (korisnici stalne socijalne pomoći),
- f) ratni vojni invalidi sa 60% i više tjelesnog oštećenja,
- g) ostali nezaposleni ratni vojni invalidi,
- h) nezaposleni demobilisani branioci,
- i) nezaposleni ratni vojni zarobljenici –logoraši,
- j) članovi uže porodice poginulih, umrlih i nestalih branilaca,

k) nezaposlene civilne žrtve rata sa 60% i više tjelesnog oštećenja čiji je status utvrđen rješenjem JU Centar za socijalni rad,

l) nezaposleni neratni invalidi sa 80% i više tjelesnog oštećenja,

m) lica koja pripadaju nacionalnim manjinama u postupku za naknadni upis u matične knjige.

Član 18.

(isprave kojima se dokazuje status)

Status osobe iz člana 17. ove Odluke dokazuje se ispravom izdatom od strane nadležnog organa i to:

- a) status nezaposlene osobe dokazuje se uvjerenjem ili kontrolnim listom javljanja JU „Služba za zapošljavanje“ USK,
- b) status osobe u stanju socijalne potrebe i civilne žrtve rata s više od 60% tjelesnog oštećenja dokazuje se uvjerenjem JU Centar za socijalni rad Bihać,
- c) status neratnog invalida sa 80% i više tjelesnog oštećenja dokazuje se uvjerenjem JU Centar za socijalni rad, odnosno druge ovlaštene ustanove,
- d) status ratnog vojnog invalida, demobilisanog branioca, ratnog vojnog zarobljenika-logoraša, člana uže porodice poginulih, umrlih i nestalih branilaca dokazuje se rješenjem Ministarstva za pitanje boraca i ratnih vojnih invalida USK ili iskaznicom.

Uvjerenje kojim se dokazuje status ne smije biti starije od šest mjeseci.

Član 19.

(član uže porodice)

Članom uže porodice u smislu člana 17. tačka i) ove Odluke smatraju se maloljetna djeca i djeca do 26. godine života koja se nalaze na redovnom školovanju, bračni partner i roditelji poginulog, umrlog i nestalog branioca.

Član 20.

(oslobađanja za spise i radnje)

Takse se ne plaćaju za slijedeće spise i radnje:

- a) u postupku za povrat nepravilno naplaćenih taksa i drugih dadžbina,
- b) u postupku za ispravku grešaka u rješenjima, drugim ispravama i službenim evidencijama,
- c) za podneske upućene organima i tijelima nadležnim za predstavke i pritužbe,
- d) za upis činjenice rođenja i državljanstva novorođenog djeteta u matičnu knjigu rođenih,
- e) za upis činjenice smrti u matičnu knjigu umrlih,
- f) u postupku za ostvarivanje prava boraca i invalida i rješavanje statusa izbjeglica i raseljenih osoba,
- g) u postupku za sahranu umrlih lica.

Član 21.

(posebna oslobađanja po osnovu

Zakona o dopunskim pravima branilaca i članova njihovih porodica)

Osobe iz člana 2. Zakona o dopunskom pravima branilaca i članova njihovih porodica („Službeni glasnik Unsko-sanskog kantona“ br. 3/05, 1/09, 29/12) čiji je status utvrđen rješenjem nadležnog organa i to: demobilizirani branioци, učesnici u odbrani Bosne i Hercegovine, organizatori otpora, dobrovoljci, veterani, učesnici rata, ratni vojni invalidi, članovi porodice poginulog, umrlog, nestalog branioca i umrlog ratnog vojnog invalida, dobitnici ratnog priznanja ili odlikovanja i članovi uže porodice poginulog, umrlog ili nestalog dobitnika ratnog priznanja ili odlikovanja, u skladu sa članom 28. Zakona o dopunskim pravima branilaca i članova njihovih porodica, oslobađaju se plaćanja taksa prilikom prvog rješavanja stambenog pitanja u postupcima:

- a) izdavanja urbanističke saglasnosti ili lokacijske informacije,
- b) produženja važnosti urbanističke saglasnosti,
- c) izdavanja odobrenja za građenje,
- d) produženja važnosti odobrenja za građenje,
- e) izdavanja sanitarne saglasnosti,
- f) izdavanja ostalih akata vezanih za izdavanje odobrenja za građenje.

POGLAVLJE III – POVRAT TAKSE I PRISILNA NAPLATA TAKSE

Član 22.

(povrat takse)

- (1) Osoba koja je platila taksu koju nije bila obavezna platiti, ili je platila taksu u većem iznosu od propisane Tarifom, ili je platila taksu za radnju koju organ nije obavio, ima pravo na povrat plaćene ili više plaćene takse.
- (2) Postupak za povrat takse pokreće se po zahtjevu stranke.
- (3) Rješenje o povratu takse donosi Služba za finansije.
- (4) Povrat takse vrši se na teret prihoda budžeta Grada Bihaća.

Član 23.

(prisilna naplata takse)

Prisilna naplata takse vrši se po propisima o prisilnoj naplati poreza građana, odnosno po propisima o prisilnoj naplati poreza od pravnih lica.

POGLAVLJE IV- ZASTARA I NADZOR

Član 24.

(zastara)

- (1) Pravo na naplatu takse zastarjeva u roku od dvije godine od dana kada je taksu trebalo naplatiti.
- (2) Pravo na povrat takse zastarjeva u roku od dvije godine od dana kada je taksa plaćena.
- (3) Vrijeme zastarjevanja prava na naplatu takse prekida se svakom službenom radnjom gradskog organa uprave poduzetom radi naplate koja je stavljena na znanje taksenom obvezniku.
- (4) Vrijeme zastarjevanja prava na povrat takse prekida se svakom radnjom taksenog obveznika poduzetom kod gradskog organa uprave radi povrata takse.
- (5) U svakom slučaju zastara nastupa nakon isteka roka od pet godina od dana nastanka obaveze.

Član 25.**(kontrola uplate takse)**

Neposrednu kontrolu uplate propisane gradske administrativne takse vrši službena osoba ovlaštena za prijem podnesaka i osoba ovlaštena za rješavanje predmeta, odnosno izdavanje uvjerenja i obavljanje radnji za koje je propisana taksa.

Član 26.**(nadzor)**

Nadzor nad primjenom odredaba ove Odluke vrši Služba za finansije.

DIO ČETVRTI-PRELAZNE I ZAVRŠNE ODREDBE**Član 27.****(primjena ranije Odluke)**

Postupci u vezi sa administrativnim taksama koji do dana stupanja na snagu ove Odluke nisu pravosnažno okončani završit će se po odredbama

ranije Odluke o općinskim administrativnim taksama i tarifi općinskih administrativnih taksa.

Član 28.**(prestanak važenja ranije odluke)**

Stupanjem na snagu ove Odluke prestaje da važi Odluka o općinskim administrativnim taksama i tarifi općinskih administrativnih taksa ("Službeni glasnik općine Bihać" br. 4/11, 13/11, 10/12).

Član 29.**(stupanje na snagu)**

Ova Odluka stupa na snagu osmog dana od dana objavljivanja u Službenom glasniku Grada Bihaća.

Gradsko vijeće
Broj: GV-02-3641/15
29.05.2015. godine
B i h a ć

Predsjedavajući
Gradskog vijeća
Roman dr. Jurić, s.r.

ANEKS**TARIFA GRADSKIH ADMINISTRATIVNIH TAKSA**

I OPĆE TAKSE		
Tarifni broj 1	Za zahtjeve, molbe, prijedloge, prijave i druge podneske ako ovom Tarifom nije propisana druga taksa Napomena: Taksa po ovom tarifnom broju ne plaća se za naknadne podneske po ranije podnesenom zahtjevu, niti za podneske kojima stranka zahtijeva izdavanje uvjerenja o činjenicama o kojima se vodi službena evidencija	5 KM
Tarifni broj 2	Za sva rješenja za koja nije propisana posebna taksa	10 KM
Tarifni broj 3	Za žalbu ili prigovor protiv rješenja	10 KM
Tarifni broj 4	Za uvjerenja za koja nije propisana posebna taksa	5 KM
Tarifni broj 5	Za opomenu kojom se takseni obveznik poziva da plati dužnu taksu	5 KM
II OBLAST JAVNE UPRAVE		
Tarifni broj 6	a) Za ovjeru potpisa svake osobe i ovjeru rukopisa b) Za ovjeru potpisa ili rukopisa izvan službenih prostorija	3 KM 20 KM
Tarifni broj 7	a) Za ovjeru prepisa za svaki list papira uobičajenog kancelarijskog formata ili manjeg b) Za ovjeru prepisa napisanog na stranom jeziku Napomena: Ako je stranka oslobođena od plaćanja takse, oslobađanje se odnosi samo na jedan primjerak prepisa, dok se za ostale primjerke plaća propisana taksa.	3 KM 20 KM
Tarifni broj 8	Za ovjeru poslovnih knjiga za koje nije propisana posebna taksa, plaća se za svaki list	0,50 KM

Tarifni broj 9	Za ovjeru ugovora čija je vrijednost: a) do 1000 b) od 1000 do 10.000 c) preko 10.000 d) ako se vrijednost predmeta ugovora ne može procijeniti Napomena: Smatra se da je izvršena ovjera ugovora kada se ovjeravaju samo potpisi ugovornih strana. Svaka izmjena sadržine ugovora smatra se u taksenom pogledu kao nov osnov. Taksa se plaća na vrijednost koja je u ugovoru označena. Ako je vrijednost iz ugovora procjenjiva, ali u ugovoru nije označena, za ovjeru ugovora plaća se dvostruka taksa iz tačke d) ovog tarifnog broja.	20 KM 30 KM 40 KM 15 KM
III OBLAST RAZVOJA, PODUZETNIŠTVA I OBRTA		
Tarifni broj 10	Za ovjeru trgovačkih knjiga za svaki list	0,15 KM
Tarifni broj 11	Za rješenja o ispunjavanju minimalno-tehničkih uvjeta za obavljanje registrovanih djelatnosti privrednih društava i drugih pravnih osoba: a) za privredno društvo koje obavlja mjenjačke poslove b) za privredno društvo koje se bavi proizvodnjom i zanatskom djelatnošću c) za privredno društvo koje se bavi ostalim djelatnostima d) za obavještenje o početku obavljanja trgovačke djelatnosti privrednih društava	195 KM 50 KM 160 KM 10 KM
Tarifni broj 12	Za rješenja kojima se mijenja rješenje o ispunjavanju minimalno-tehničkih uvjeta za obavljanje registrovanih djelatnosti privrednih društava i drugih pravnih osoba kada je potreban komisijски pregled objekta	50 KM
Tarifni broj 13	Za rješenja kojima se ukida rješenje o ispunjavanju minimalno-tehničkih uvjeta za obavljanje registrovanih djelatnosti privrednih društava i drugih pravnih osoba	5 KM
Tarifni broj 14	a) Za rješenje kojim se stiče pravo obavljanja samostalne djelatnosti, odnosno osnivanja samostalne radnje b) Za rješenja s kojima se stiče pravo obavljanja samostalne zanatske djelatnosti- tradicionalni i stari zanati popisani u Uredbi o zaštiti tradicionalnih i starih zanata i rješenja kojima se stiče pravo obavljanja domaće radinosti	160 KM 30 KM
Tarifni broj 15	Za izmjenu rješenja kojim se stiče pravo obavljanja samostalne djelatnosti, odnosno osnivanja samostalne radnje kada je potreban komisijски pregled objekta	50 KM
Tarifni broj 16	Za rješenja kojima se vrši stalna ili privremena odjava obavljanja samostalne djelatnosti	5 KM
Tarifni broj 17	Za izdavanje saglasnosti za produženo radno vrijeme ugostiteljskih i trgovačkih objekata	20 KM
IV OBLAST KULTURE		
Tarifni broj 18	a) Za rješenja kojima se odobrava javno izvođenje estradnih programa u organizaciji privrednih društava i ugostiteljskih objekata koji imaju odobrenje za rad b) Za rješenja kojim se odobrava javno izvođenje estradnih programa u organizaciji udruženja i drugih neprofitnih organizacija	100 KM 50 KM
V OBLAST ZDRAVSTVA		
Tarifni broj 19	Za rješenja kojima se daje sanitarna saglasnost za lokaciju i glavne projekte za izgradnju objekta i to: a) za stambeni objekat b) za stambeno-poslovni objekat c) za poslovni objekat	15 KM 30 KM 40 KM

VI OBLAST GRAĐANSKIH STANJA I EVIDENCIJA		
Tarifni broj 20	Za izvode iz matičnih knjiga: a) za izvode iz matičnih knjiga b) za izvode iz matičnih knjiga na internacionalnom obrascu Napomena: Ako je stranka oslobođena od plaćanja takse, oslobađanje se odnosi samo na jedan izvod, dok se za ostale tražene izvode plaća propisana taksa. Oslobađanja se ne odnose na izvode izdate na internacionalnom obrascu, niti na izvode izdate iz Centralnog matičnog registra.	3 KM 10 KM
Tarifni broj 21	Za uvjerenja iz matičnih knjiga: a) uvjerenje o državljanstvu b) uvjerenje o slobodnom bračnom stanju c) uvjerenje o činjenicama i podacima iz matičnih knjiga	5 KM 20 KM 10 KM
Tarifni broj 22	Za kućnu listu: a) za inozemstvo b) za BiH	10 KM 5 KM
Tarifni broj 23	Za smrtovnicu kada umrla osoba nije imala prebivalište na području Bihaća	10 KM
Tarifni broj 24	Za zapisnike o promjenama u matičnim knjigama	5 KM
Tarifni broj 25	Za rješenje o naknadnom upisu u matičnu knjigu rođenih za lica koja imaju državljanstvo druge države	100 KM
Tarifni broj 26	Za rješenje o upisu i promjeni nacionalnosti	50 KM
Tarifni broj 27	a) Za ovjere potvrda o životu za inozemne penzionere b) Za ovjere potvrda o životu izvan službenih prostorija	3 KM 10 KM
Tarifni broj 28	Za upis činjenice rođenja, sklapanja braka i smrti i promjene u matičnim knjigama na osnovu isprava inozemnih organa po zahtjevu stranke	30 KM
Tarifni broj 29	Za sklapanje braka i to: a) u službenim prostorijama radnim danom u radno vrijeme b) u službenim prostorijama radnim danom izvan radnog vremena c) u službenim prostorijama neradnim danom d) izvan službenih prostorija Napomena: Za sklapanje braka sa stranim državljaninom i između stranih državljana, kao i za sklapanje braka između osoba od kojih ni jedna nema prebivalište na području grada Bihaća plaća se taksa uvećana za 50%. Budući bračni partneri mogu biti oslobođeni od plaćanja takse samo ukoliko oba ispunjavaju uvjete iz člana 17. ove Odluke, a oslobađanje se odnosi samo na tačku a) ovog tarifnog broja.	20 KM 50 KM 100 KM 300 KM
VII OBLAST RADA I RADNIH ODNOSA		
Tarifni broj 30	Za izdavanje radnih knjižica i upis promjena u radne knjižice	5 KM
VIII OBLAST SOCIJALNE ZAŠTITE		
Tarifni broj 31	Za uvjerenja kojima se dokazuje poslovna sposobnost	20 KM
Tarifni broj 32	Za rješenja o postavljanju privremenog staratelja	30 KM
Tarifni broj 33	Za ovjeru i izdavanje uvjerenja za inozemstvo za članove porodice koje radnici izdržavaju u BiH radi oslobađanja od poreza na plate u inozemstvu	20 KM
Tarifni broj 34	Za izdavanje uvjerenja u svrhu ostvarivanja prava na dječiji dodatak u inozemstvu	15 KM
Tarifni broj 35	Za izdavanje uvjerenja, saglasnosti pri otpustu iz BiH državljanstva, utvrđivanje obaveza prema srođnicima u BiH	100 KM
Tarifni broj 36	Za donošenje privremenog rješenja o povjeri i kontaktiranju roditelja i djece, te ostalim sadržajima roditeljskog staranja do pravosnažnosti odluke o razvodu braka	20 KM
Tarifni broj 37	Za posredovanje prije postupka za razvod braka	100 KM

IX OBLAST IMOVINSKO-PRAVNIH POSLOVA		
Tarifni broj 38	Za rješenja iz oblasti imovinsko-pravnih poslova i to: a) za zahtjev za kupovinu gradskog građevinskog zemljišta u svrhu oblikovanja građevinske parcele b) za rješenje o utvrđivanju prava vlasništva na izgrađenom zemljištu c) za rješenje o utvrđivanju zemljišta za redovnu upotrebu objekta d) za rješenje o ustanovljenju prava služnosti e) za rješenje o utvrđivanju javnog interesa f) za rješenje o potpunoj eksproprijaciji g) za rješenje o nepotpunoj eksproprijaciji	100 KM 100 KM 100 KM 100 KM 200 KM 300 KM 200 KM
X OBLAST PROSTORNOG UREĐENJA		
Tarifni broj 39	Za urbanističku saglasnost ili lokacijsku informaciju za izgradnju i dogradnju, promjenu namjene, rekonstrukciju i legalizaciju: a) za stambene objekte: b) za stambeno-poslovne objekte: c) za objekte tipa kolektivnog stanovanja: d) za poslovne objekte: e) za benzinske pumpe: f) za proizvodne objekte: g) za poljoprivredne objekte: h) za trafostanice, bazne stanice i antenske stubove: i) za kablovske i nadzemne elektro i telefonske instalacije: - do 500 m - za svaki dodatni dužni metar j) za vodovod, kanalizaciju, puteve, mostove i druge infrastrukturne objekte k) za pomoćne objekte l) za vikend objekte m) za vanjsko uređenje n) za reklamne panoje i montažne objekte tipa kiosk - površine do 12 m ² - površine preko 12 m ²	150 KM 200 KM 400 KM 250 KM 400 KM 100 KM 60 KM 350 KM 500 KM 0,20 KM 300 KM 65 KM 180 KM 65 KM 35 KM 65 KM
Tarifni broj 40	Za odobrenje za izgradnju, dogradnju, promjenu namjene, rekonstrukciju i legalizaciju: a) za stambeni objekt: b) za stambeno-poslovni objekat: c) za objekte kolektivnog tipa stanovanja: d) za poslovne objekte: e) za benzinske pumpe: f) za proizvodne objekte: g) za poljoprivredne objekte: h) za trafostanice, bazne stanice i antenske stubove: i) za kablovske i nadzemne elektro i telefonske instalacije: - do 500 m - za svaki dodatni dužni metar j) za vodovod i kanalizaciju, puteve, mostove i druge infrastrukturne objekte: k) za pomoćne objekte l) za vikend objekte m) za vanjsko uređenje n) za reklamne panoje i montažne objekte tipa kiosk:	120 KM 160 KM 300 KM 200 KM 300 KM 150 KM 60 KM 350 KM 250 KM 0,20 KM 200 KM 65 KM 120 KM 65 KM 65 KM
Tarifni broj 41	Za rješenje o upotrebnoj dozvoli za izgrađenu građevinu, odnosno radove, taksa se plaća prema građevinskoj vrijednosti Napomena: Taksa po ovom tarifnom broju ne može iznositi manje od 10 KM niti više od 300 KM.	0,5/1000 (promila)

